

方策役千靈關盟萬聖護持壇律糾正齋
功由始及終迄無障撓更希勅旨行下玄
壇受命靈寶仙曹省府院司官君將吏從
臣請降共贊洪釐庶使齋主恭善果周圓
嘉祥密被承恩今日流慶他生散壇言功
不負効信思惟

以聞

空行結尾目前

太上三洞表文

三五

太上三洞表文

澄四

九天尊鍊度表

具位_臣姓某誠惶誠恐稽首頓首再拜

上言_臣聞大道分元初演不言之教天尊布

化漸垂有作之文普度群生總包萬法_臣誠

惶誠恐稽首頓首伏念_臣猥以凡陋冒忝仙

階稟奉教科遵行妙典闡始青之元範教洞

玄之寶章誓度死以為心盟濟生而是願既

沐投詞之切輒伸懇禱之私_臣謹據入志_臣

祇按玄文恭行鍊度匪賴

高真慈佑何由普濟沈淪爰慙悃忱借干

天聽恭惟

太一救苦天尊_{玉陛下}至聖至仁極慈極愛

乘九師之仙馭散百寶之祥光接引浮生不

違本誓伏乞真符告下

惠澤遐霑洒甘露於火山化成清暑扇神風

於劍樹變作薔林使茲受鍊之魂升彼洞陽

之館證真仙品增福人天旁資六道之孤魂

盡脫三塗之苦趣上祈洪造下副丹衷_臣无

任瞻天望聖激切屏營之至謹奏表上進以

聞_臣誠惶誠恐稽首頓首再拜謹言

年 月 日具位_臣姓某表奏

後八表首尾同前只易中殿

恭惟

十方救苦天尊_{玉陛下}威神宏遠智慧圓通

應一念而拯拔重泉滿十方而提携陰爽四

生蒙惠六道銜恩伏乞持軫洪慈廣宣仁澤

奏聞

元始上帝差降太一玉郎開紫陽玉笈之書

出鳳炁龍文之篆普施一切廣度无边法雨

露濡俾罪愆而消釋祥煙翳鬱使冤對以休

停俱乘鍊度之功克證逍遙之趣

恭惟

九幽拔罪天尊_{玉陛下}鍊真上景拔苦下泉

救无礙之神光照大千之世界玄思廣覆昧

爽威甦伏乞頒降玉符開鐵城而拔罪艾除

黑簿滅火翳以停酸即使亡者萬惡俱消六

根清淨影脫九陰之域魂登三炁之天水離

迷途咸躋生路

恭惟

朱陵度命天尊玉陛下尊冠朱宮道司丹境
闡慈悲而救物廓仁惠以度人伏望特軫洪
慈頒宣符命未度者度俱乘鍊度之功未生
者生悉獲更生之妙永辭地府還上
天堂

恭惟

火鍊丹界天尊玉陛下道冠南宮主司赤帝
擲流金之妙用使枯骨以成人處處應機方
方設化伏乞神光輝燁鍊尸魄以更生法力
昭彰度幽魂而復命下脫北都之府上登南
極之天旁及九泉永辭五苦

恭惟

法橋大度天尊玉陛下大德好生至仁接物
布梯航於苦海度群品於迷津巨古亘今挈
日挈月伏乞寶幡旁指開徑路於幽冥真炁
下流布長虹於空際引茲亡者升彼天堂解
生前故誤之愆證今日明真之果重泉苦衆
咸得逍遙

恭惟

金闕化身天尊玉陛下以道為身先天應化

垂億千之名字歷浩劫之因緣普育群生廣
開常善伏乞垂恩省察救三塗萬死之魂赦
罪除愆乘九鍊更生之道從下品而升上品
即脫輪迴自有為而入無為常居清淨更祈
惠澤普及河沙

恭惟

逍遙快樂天尊玉陛下體道化初疑神物表
迥出妙中之妙端居天上之天功被幽冥恩
覃生死伏乞光明日月駕馭風雲度此亡魂
離其惡趣快樂於長春之境逍遙於不夜之
鄉億劫種親一時解脫

恭惟

寶華圓滿天尊玉陛下功圓六度道證三乘
相好端嚴福智具足惟至誠而有感實弘濟
以无違伏乞曲軫慈仁大宏方便天光下燭
地府開通度魂識以超生仗齋功而證品純
質洞陽之館高升大有之庭更冀餘休潛扶
後裔

九天帝表表符

具位臣姓某謹稽首再拜

上言臣伏以二儀育質千真皆會於三田九
炁聚形萬象森羅於六府百開和暢七竅開
通魄靜魂寧神清氣爽臣今奉為某處弟子
技壇乞為亡過某人和寬釋罪蕩垢滌塵開
悟本源分清去濁臣等修齋行道頒降符章

恭惟

滅罪破幽傳符授戒給本治天堂之錄行出
離生死之符盟露十方告祈眾聖臣尚慮亡
魂生前造罪殺後積愆或沈惡趣之中恐墮
輪迴之道改形換體不復人身臣蒙師付受
九鍊符章許度沈淪謹遵科法上請元和妙
炁纏絡死魂即使內營外明乾坤合質復得
人天參朝太上咸計日以受鍊得時刻以昇

遷臣謹具表奏告

齋畢无量天帝恭望天慈俯垂允見遵依符
命特降元一黃演之炁九重纏其胞使亡過
某人胞原宣通上徹於天以生成得生人路
臣无任惶懼之至謹稽首再拜謹言
後八表同前只換聖位

上上禪善无量壽天帝

特降洞冥紫戶之炁九重纏其胎使亡過某

人胎結解根全其身得生人路

梵監須延天帝

特降長靈明仙之炁九重纏其魂使亡過某
人魂門鍊仙以通精得生人身

寂然梵術天帝

特降殤尸冥演由之炁九重纏其魂使亡過
某人鬼戶降仙以安寧得生人身

波羅尼蜜不驕樂天帝

特降五仙中靈之炁九重纏其臟使亡過某
人五臟清涼以存神得生人身

洞玄化應聲天帝

特降高真沖融之氣九重纏其腑使亡過某
人六腑開泰胃管生津得生人身

靈化梵輔天帝

特降高仙洞笈之炁九重纏其竅使亡過某
人孔竅開聰星宿朗明以通神得生人身

高虛清明天帝

特降真靈化凝之炁九重纏其形使亡過某
人三部八景整具形神以全真得生人身

无想无結无受天帝

特降自然玄照之炁九重纏其身使亡過某
人三關五臟開節根源本始一時生神炁滿
能聲聲尚神具毛髮生身

太上三洞表文



萃善錄卷上

聖節祝君之詞

聖人生焉瑞遠紫樞之電上帝臨汝喜開黃
道之雲齋肅陳詞明晨有請伏念新傳祖印
速觀宸廷香頌龍虎之壇親承上旨壽祝麒
麟之殿未遂南轅命玄侶以脩齋對感顏而
歸美恭願綠章夜達來仙仗於清都丹宸春
融永丕基之洪福

謝雨詞

布地為壇土皆作玉望雲請命天乃雨珠生
意頌回元功不宰伏念自名以道待飽於農
凡仰愧俯作之餘有春作秋祈之望屬以元
早異於曩時既自郊而徂宮禱之久矣庶匪
朝而依夕苗則勃然蓋移粟之民已疲倘存
飢則歲何仰不遠咫尺遂俾霽露返神水以
安靈薦潢污而報本伏願賜之終惠保此有
年自三日已往為霖更溥餘波之潤無一夫
不被其澤同為樂國之歸

天師在京就山還醮

君命不埃駕阻瞻咫尺之清光皇天無私親